

本艸乘雅半偈

錢唐後學盧之頤子繇父覈叅

本經下品

代赭石。氣味苦寒。無毒。主鬼疰賊風蠱毒。殺精
物惡鬼。腹中毒邪氣。女子赤沃漏下。

覈曰。出代郡。及姑幕。北山經云。少陽之山。中
多美赭。西山經云。石脆之山。灌水出焉。中有
流赭。管子云。其山有赭。其下有鐵。處處山中

亦有之。西北者爲良也。生山峽中者。赤紅青色而有澤。上紋如浮漚。俗呼丁頭赭。修事細研。以臘水重重飛過。水上有赤色如薄雲者去之。澄淨去水。再以茗汁煮一伏時。取出。研萬餘匝用。鐵鐺燒赤。下白蠟一兩。待化。投新汲水衝之。再煮一二十沸。取出。晒乾用。

先人云。去浮赤。奪其先聲。烹白蠟。培其根本。肝與血。大獲保任矣。

帥氣衛外
左右二十
有四而營
隊居中設
無血師誰
主司命乎

叅曰。靈樞稱衛氣爲帥。氣隱居稱大赭爲血。
師則大赭當爲營氣之司命矣。經云。命曰營
氣。以奉生身。莫貴乎此。先人云。鬼疰三證。大
爲生氣之害。然必伏匿陰血中。乃肆毒惡。赭
色丹青。承宣君相火。爲血師保任。仍令就規
矩。會尺寸。以合五十營。奉身生氣如嘗。營血
安堵如故矣。

本經下品

戎鹽。氣味鹹寒。無毒。主明目。目痛。益氣。堅筋骨。
去毒蠱。

覈曰。戎鹽卽青鹽。亦赤鹽也。史書言虜中鹽
有九種。曰白鹽。食鹽。黑鹽。胡鹽。柔鹽。赤鹽。駁
鹽。臭鹽。馬齒鹽。而戎鹽卽胡鹽。日華一名羌
鹽。唐本一名禿登鹽。大明一名陰土鹽。生沙
崖山坂之陰。土石間也。大小不嘗。形作塊片。

間有方稜。或如雞卵。或如菱米。堅結似石。色
玄紫白。味不甚鹹。臭若鰕鷀之氣。燒之不鳴。
炆者是也。京州異物志云。姜賴之墟。今稱龍
城。剛鹵千里。蒺藜之形。其下有鹽。累碁而生。
又云。鹽山二岳。二色爲質。赤者如丹。黑者如
漆。小大從意。鏤之爲物。作獸辟惡。佩之爲吉。
咸稱戎鹽。可以療疾。張果云。赤戎鹽。生西戎。
稟自然水土之氣。結而成質。其地水土之氣。

黃赤故鹽亦隨土氣而生。味淡于石鹽。力倍

陽精。火中燒之。汁仍紅赤。凝定時。色益赤者。

爲真。再燒之最久。赤轉爲青矣。故一名絳鹽。

西京記云。有青鹽池。出青鹽。正方寸半。其形

如石。味甚甘美。真臘記云。山間有石。味勝于

鹽。可琢爲器。梁杰公傳云。交河之間。掘磧下

數尺。有紫鹽。如紅如紫。色鮮而甘。其下丈許。

必有瑩珀。北戶錄云。張掖池中。生桃花鹽。色

如桃花。隨月盈縮。今寧夏近涼州地。鹽井所
出青鹽。四方皎潔如石。山丹衛。卽張掖地。有
池產鹽紅色。此二鹽者。卽戎鹽之青赤二鹽
也。今方書但用青鹽。不用赤鹽。并目赤鹽爲
異物矣。本艸云。北海產青鹽。南海產赤鹽。總
從西戎來。所謂南北者。指西海之南北耳。嶺
南一種紅鹽。用色染成。非真赤鹽也。燒之出
白汁。凝定仍轉白色矣。丹房鑑源云。蠻鹽可

伏雌雄。唯赤鹽爲上。獨狐泊云。戎鹽累卵。乾
瀕。制土砂。

叅曰。煮海爲鹽。若戎鹽者。鍾海水自然之精
氣。不假人力爲也。生海北者。黑如漆。海南者
赤如丹。赤則水劣。火勢。黑則火勢劣。水燒之
最久。黑者赤。赤者黑矣。以緣水火爲性。不越
水火爲色。通以水火爲勝劣。亦通以水火爲
功用也。故主精明眼識爲緣。生于眼識。蓋識

精緣水爲根。緣明爲塵。塵爲火用。根爲火體。
故爾。若益氣堅筋骨。去毒蠱。此寶明澄湛之
休徵耳。

寶明卽火。澄湛卽水。經云。寶明生潤。水從
火出矣。

本艸乘雅半偈

錢唐後學盧之頤子繇父覈叅

本經下品

貫衆。氣味苦。微寒。有毒。主腹中邪熱氣。諸毒。殺
三蟲。

覈曰。出玄山山谷。及寃句少室山。今陝西河
東州郡。及荆襄間多有之。生山陰近水處。冬
夏不死。數根叢生。每根必有多莖貫之。莖作

三稜如蕨狀。有黑色汁。頗涎滑也。其葉兩兩對生。如雞翎。及鳳尾。又似狗脊葉而無鋸齒。色青黃。面深背淡。四月花白。七月實黑。相聚連卷。而旁生其根。曲而有尖觜。黑鬚叢族。亦似狗脊根狀。及伏鴟皮。黑肉赤。直而多枝。若百頭也。藿菌赤小豆爲之使。伏石鍾乳。先人云。百頭而以一貫。故名貫衆。連卷有夏脉如鈎之象。是心物無疑矣。腹中邪熱。是夏

氣在藏之病從血脉流入心腹之部者當須此品。

叅曰。根具百頭。獨莖葉兩兩相對。若偶貫羣陰也。因名貫衆。多生山陰近水處。故稟苦寒氣味。對待陽不貫陰而成邪熱。理不貫經而成諸毒。生陽不貫四大而成三蟲。亦地以陽殺陰藏之象歟。

既連卷有夏脉如鉤之象。則百頭一貫。有心主百脉宗主主之象矣。假以治百合病者。

也。頗象形。百合病者。百脉一宗。悉致其病故

本經下品

白及。氣味苦平。無毒。主癰腫惡瘡敗疽傷陰死肌。胃中邪氣。賊風鬼擊。痲緩不收。

覈曰。出北山山谷。及冤句越山。江淮河陝。漢黔諸州。春生苗。長尺許。葉如初生櫻苗。及藜蘆。兩指許大。色青翠。三四月葉中出條。開紫花。宛如艸蘭。卽箬蘭也。結黃黑實。根色白。似菱。有三角。角頭生芽。節間有毛。質極粘膩。可

作糊也。紫石英爲之使。惡理石。畏李核仁。杏核仁。反烏頭。

叅曰。白金。及至也。金至斯堅。故主癰腫瘡疽。死肌痺緩。不但堅形。亦可堅藏。填肺生葉。填脉生血。堅固歸金。金歸地大故也。

杭郡獄中。有犯大辟者。生肺癰。膿成欲死。得單方服白及末。遂獲生全。越十年臨刑。其肺已損三葉。所損處皆白及末填補。其間形色。猶未變也。